

鄉土志叢編

張國淦著



2115.375

~~76983~~

~~110~~

地

170

539

21-10

21-10

1

鄉

叢

工

編

志

石心



燕京大學圖書館
據館藏鈔本印行

鄉土志叢編例言

鄉土志爲研究地方自治必要之書遜清預備立憲敕各縣從速編纂而印成流布者不過百數十種其餘或僅謄真或爲稿底塵封於衙署檔皮之間改革以來多所散佚本館廣事搜集得有數十種不敢自私自次第付梓公諸同好定名鄉土志叢編述例如左

一 本編依各志原稿付印凡分門別類及一切體例均仍其舊以覘各縣當時之風尙

一 原稿中「國朝」「朝廷」「諭旨」「天恩」「賜」「敕」等字另行雙擡或單擡者本編僅爲空一格又地名或學校廟宇等原稿有另提一行者本編亦僅爲空一格以節省篇幅

一 原稿有前後體例參差者以前數葉之體例爲標準改歸一律

一 各志原稿本格式字蹟大小不一每葉行數每行字數亦多寡不同本編既

鄉土志叢編

例言

合爲一書每半葉十三行每行排四號字者均三十一字排五號字者均四十一字

一 原稿有雙行注文者本編改用五號字單行以期清朗

一 各志原稿多無目錄本編每種增訂分目每集另編總目以便檢閱

一 本編先出陝西十種其餘繼續出版不限種數

一 本編惟據原稿校對未暇參校他書倘有錯誤幸鑒正之

中華民國二十六年二月燕京大學圖書館

鄉土志叢編第一集目錄

陝西省

鄠縣鄉土志

上卷 本境 歷史 政績錄 兵事錄

中卷 耆舊錄 孝友 義行 名宦祠

鄉賢祠 節烈祠 人類 戶口 氏族 宗教 實業 下卷 地理 山水 道路 物產 商務

甘泉縣鄉土志

歷史 政績錄 兵事錄 耆舊錄 人類 戶口 氏族 宗教 實業 地理 山水

道路 物產 商務

宜川鄉土志

星野 沿革 疆域 城池 山川 里甲 古蹟 勝景 風俗

岐山縣鄉土志

卷一 歷史 政績錄 兵事錄 卷二 耆舊錄 卷三 人類 戶口

氏族 宗教 實業 地理 古蹟 祠廟 坊表 橋梁 市鎮 學堂 山水 道路 物產 商務

城固縣鄉土志

歷史 建置沿革附表 政績錄 兵事錄 耆舊錄 附名宦鄉賢忠義節烈 人類 戶口

氏族 宗教 實業 地理 附古蹟 祠廟 坊表 橋梁 市鎮 山水 道路 物產 商務

寧羌州鄉土志

歷史 建置沿革 政績錄 兵事錄 耆舊錄 節烈 人類 戶口 氏族 宗教 實業

鄉土志叢編

第一集目錄

燕京大學圖書部

地理 境界 區劃 山脉 水誌 道路 物產 商務

神木鄉土志

卷一 天文 地理 山川 邊外屬地疆域 邊外屬地山川 營造 封爵 卷二

職官 貢賦 學校 祠祀 選舉 封廕 兵防 卷三 軍事 郵政 水利 鹽法 茶政 物產

卷四 風俗 祥異 名宦 人物 陵墓 古蹟 經籍 金石 藝文 拾遺 志異

朝邑縣鄉土志

沿革表 政績錄 兵事錄 耆舊錄 人類 戶口 氏族 宗教 實業 地理 山水

道路 物產 商務

華州鄉土志

政績 兵事 耆舊 人類 戶口 宗教 實業 地理 物產 商務

中部縣鄉土志

建置 歷史 政績錄 兵事 耆舊 人類 戶口 氏族 宗教 實業 地理 寺觀

山水 道路 物產 商務

鄂縣鄉土志目錄

上卷

本境

一

歷史

一

政績錄

二

兵事錄

七

中卷

耆舊錄

一

孝友

八

義行

一〇

名宦祠

一一

鄉賢祠

一二

鄂縣鄉土志

目錄

一

燕京大學圖書館

節烈祠

一二

人類

一三

戶口

一三

氏族

一三

宗教

一五

實業

一六

下卷

地理

一

山

四

水

五

道路

五

物產

六

商務

七

鄂縣鄉土志上

本境

鄂縣 漢書戶扈鄂三字同昔少昊氏以鳥紀官有五雉九扈扈農正也古人食邑即以邑氏鄂之封其來遠矣

歷史

古崇國 連山易云鯀封於崇鯀禹父國語謂之崇伯與地志鄂縣古崇國今縣北有三過村乃大禹三過其門而不入遺趾

夏有扈國 尚書啟與有扈大戰於甘

商仍為崇國 見通考蓋鯀殛之後崇復為扈商伐夏又以扈為崇歟

周豐宮 豐即今之秦渡鎮在縣治東三十里史記崇侯虎譖西伯囚於羑里得放歸伐崇作豐詩曰既伐於崇作邑於豐朱傳崇國在鄂縣伐崇之後遷都於豐武王遷鎬豐宮不移每大事皆步至宗周書曰王來至商至於豐是也

鄂縣鄉土志

上 本境 歷史

燕京大學圖書館

春秋時為鄂國 左傳鄂文之昭也杜注在鄂縣東

戰國時亦稱有扈氏 吳子圖國篇云有扈氏君恃衆好勇以喪社稷

秦改扈為鄂屬內史地 史記平王以岐豐之地賜秦襄公按岐即今岐山縣豐在今鄂縣秦一天下內史兼治三輔

漢始置鄂縣屬右扶風 漢書地理志右扶風故秦內史高帝九年復罷為內史武帝建元六年分為右內史太初元年更為右扶風鄂縣屬焉

後漢屬司隸校尉部右扶風

魏置雍州三輔仍屬司隸部

晉鄂縣統於始平郡 泰始三年置

後魏分為雍州屬京兆郡 太平眞君七年置即今北三里鄂縣故城是

西魏屬雍州京兆尹

北周仍屬京兆尹

隋屬京兆郡 大業十年改今治



唐分天下爲十道鄆屬關內道京兆府京兆郡

宋屬永興軍路京兆府京兆郡

金改永興路爲京兆路鄆屬京兆路京兆府

元改京兆路爲安西路又改安西爲奉元路置陝西行中書省奉元路錄事司鄆縣屬焉

明屬陝西布政司西安府

國朝因之

政績錄

官郵者多矣而政績之可紀者則自漢始以前非無名宦也以無文獻之可徵也由漢以迄於今上下三千年其可紀者僅有此數十人耳則其缺略亦多矣要之撫字心勞幹濟才優婦孺頌其德口碑歌其功者必不至湮沒也官斯土者可以惕然省矣

漢

何武字君公蜀郡郫縣人以射策爲郎遷鄆令爲人仁厚好獎士類樂道人之善世以此多之所居無

赫赫名去後嘗見思官至京兆尹王莽欲篡漢陰誅不附己者武自殺人多冤之

鄆縣鄉土志

上 歷史 政績錄

一一

燕京大學圖書館

唐

蘇珣 藍田人中明經第調鄆尉鄆多訟者日至長史府珣裁決明辨長史李義琰異之指廳事曰此公座也仕至戶部尚書封河南郡公致仕卒年八十一諡曰文

裴子餘 絳州稷山人中明經補鄆尉同舍李朝隱程行謹以文法稱而子餘以儒顯或問優劣於長史

陳崇業答曰菊蘭異芬胡有廢者幼事繼母以孝聞諡曰孝子餘居官清家閑友愛兄弟三人皆有志行云

盧奕 黃門監懷慎子天寶初令鄆所治輒最積功擢給事中拜御史中丞自懷慎及奕三居其官清節似之時傳其美後殉祿山之難贈禮部尚書諡曰貞烈

李巽 字令叔趙州贊皇人舉拔萃授鄆尉天寶長於吏事至治家亦旬檢案牘簿書如公府吏有過秋毫無縱最工心計爲鹽鐵轉運使一年較劉晏所入最多之年同明年過之卒贈尚書右僕射

韋應物 京兆長安人大曆十四年爲鄆令性高潔鮮食寡欲所居掃地焚香治以清淨爲詩馳驟建安

後歷蘇州著詩十卷

鄭羣 字宏之滎陽人以進士爲鄆尉拜監察御史治官守身極謹不掛於過去官而人民思之見韓昌黎

沈傳師 字子言蘇州吳人貞元末舉進士後登制科為鄆尉以廉靜聞仕終吏部侍郎

崔發 貝州武城人敬宗時為鄆令開五坊人毆百姓命擒之入曳於庭詰之乃中使也上怒收發繫臺獄
遇救釋

宋

陳希亮 字公弼其先京兆人唐廣明中遷眉州青神之東山幼孤好學中天聖八年進士初為大理評事後徙知鄆縣老吏曹腆侮法以希亮年少易之希亮視事首得其罪腆叩頭出血願自新亮戒而捨之卒為善吏有巫覡斂財祭鬼謂之春齋否則有火災民間訛言有緋衣三老人行火希亮禁之民不敢犯火亦不行毀淫祠數百區勸巫為農者七十餘家及去官父老送之曰公去我緋衣老人復來矣

程顥 河南人學者稱明道先生嘉祐間舉進士調主鄆簿令以其年少易之鄆民有借兄宅居者得瘞錢兄之子訴曰父所藏也令以無證難決先生曰此易辨也問曰爾父藏錢何時曰四十年彼借何時曰二十年取錢視之謂訴者曰今官所鑄錢五六年即徧天下此錢皆未藏前數十年所鑄何也其人不能答遂服令大奇之有稅官以賄聞怙力自謂能殺人衆皆憚之聞先生至其人先為言曰人謂某盜官錢新

鄆縣鄉土志

上 政鑑錄

三二

燕京大學圖書館

簿將發之某勢窮必殺人先生笑曰足下食君之祿詎肯盜錢萬一有之將自救不暇何能殺人其人默不敢言償所盜錢卒以善去南山僧舍有石佛歲傳其首放光遠近男女聚觀令不敢禁先生戒寺僧曰俟復見必先白吾職事不能往當取其首就觀之自是不復有光府境水害倉卒興役又盛暑疫行死者甚衆獨先生所部飲食爰舍無不安使人不勞而事集嘗謂人曰吾之董役乃治軍法也當路者欲薦之多問所欲先生曰薦士當以才之所堪不當問所欲後哲宗召為宗正丞未行卒諡曰純公從祀孔子廟庭

張伋 宣和元年來知鄆管勾勸農公事兼兵馬監押作空翠堂自為記

李宗 大梁人舉進士為鄆簿有政聲後知慶陽

金

楊達夫 字晉卿三原進士主鄆縣簿事一從簡吏民樂之

劉君 失其名彭城人大定二十二年以壽州酒使來知鄆多善政見修城記

元

察的兒 為鄆達魯花赤蒞政十二年政平訟理境產嘉禾瑞麥縣刻石為圖

寇靖字伯衡由進士爲鄆令興學勸農懲惡教化不尙威刑典平路當衝要整屋協濟不足欲引鄆分代之君乃詣府爭之曰鄆地狹民寡已割四鄉之一畀蓋屋矣今又嫁重負於鄆民將不堪命遂得仍舊澧水歲潰堤壞民田府徵役千人黨推稱是吏緣爲奸君程其工止發三百人器用半之事治而民不擾時諸官府田租石當楮縑五十實贏市值什四五公言國家立法之意謂地遠艱輸者折色寬民力也今執是例取之豈爲民父母之道哉終其任取租不計縑既去民思之爲勒碑頌德焉

明

許訴開封舉人洪武中知鄆縣蒞政以勤撫民以惠興學校修解宇措置均宜民到于今稱之

徐純字德善澧州人正統中知鄆縣刑清訟簡興學愛民諸官署並城隍廟皆其葺理

張億知鄆縣嘗夜出微行民間婦姑紡績姑造婦視所釀酒婦視之對曰有如張縣君澈底清矣億聞之喜翼日以木棉勞之

周儀孝義舉人爲鄆教諭與諸生約雞鳴從事乃先起衣冠而俟此諸生背誦書史畢甫寅卯耳由是諸生多淵博邑民有事於城隍廟聲伎繁艷觀者塞途諸生無一敢延頸者則其教可知矣

程鵬解州進士正德中知鄆縣和厚坦易居常無怒亦未嘗過用刑成人以此德之方聽訟頃有欲平者

鄆縣鄉土志

上 政教

四

無京大學圖書館

聽之累遷刑部郎中

王文秀閬中人樸茂質實遇事勤懇若理家然

康天爵字汝修以進士知鄆縣治以安養百姓爲主不窮治詞訟隸不敢下鄉凡修建木物取諸佛老之宮用力役亦少素有廉慎之節人或以爲過激然實非他人所能也故至今有去後之思焉

楊祐內江進士以郎中誦知鄆縣學識深純氣質端粹凡事精練後至少卿

宋廷琦城武舉人有清操惠政民受其福學亦蘊藉淵深尤精詞翰士民爲之建祠

賈希周彰德舉人剖決如流民接於目輒識姓名不忘人敬而畏之

陳邦瑞孟津舉人剛明果斷百姓帖服不敢輕犯法焉

王瑋永甯舉人愛養百姓丕振儒風

李守經濮州舉人法嚴令行治小人尤嚴

馬呈圖字道甫蜀內江舉人隆慶中令鄆性剛果請於治體動中機宜申免瀟河役夫節省里中冗費吏畏民懷政聲藉甚考最將以科道用適平涼鎮原道負民梗難治加平涼府同知銜管理縣事鄆民間之聚衆數百訴於當道當道以事難遷挽竟遷去去鄆三載民思其德欲建生祠請於當道當道以其得

民許之咸甯王太宰用賓爲之記時萬曆七年己卯三月也

馬廷驊 孝義舉人悃悃無華平易近人民方賴其休養尋以疾卒

李本盛 解州舉人剖斷無難節省有法民受和平之福

賈待價 商邱舉人精敏老練遇事敢爲至條鞭法尤力主其事

延論 平定州進士歲旱精誠祈禱賑貸饑民全活甚衆

王九皋 濮州舉人萬曆丙申洩任繼王太史修志而太史原板至此失傳矣惜哉

呂仲信 唐縣舉人引檀谷旱谷及阿福泉諸水運縣東關北折而西入於潞人謂之呂公河

王宣 字君召河南武陟舉人萬曆辛丑蒞任爲人沉靜丰姿屹然人不可干以私邑中諸廢墜舉修之若

家督之于家焉條鞭法行前令互有紕繆公請比廩爲折色夏秋二稅驛站均徭一切通融派徵議上監

司成報可因著爲則焉邑有李某家溫厚爲偷之長前後發贖以千數計然輒發輒已及發在公公薄下

數杖意若不省乃布方略游卒出諸偷皆緣手獲而李亦前諸偷死盜風爲之一息甲辰歲饑會城圯請

以工代賑由是邑有百雉之雄民無轉死之苦織局之設諸邑歲有額辦公按諸里常平倉頗有餘儲則

爲關白以其餘充賦鄂傍南山薪炭灰木及他物公府歲下鄂取辦民受其惠因善爲調停無苟阿承民

鄂縣鄉土志

上 政績傳

五

燕京大學圖書館

承民得弛其負擔先時獄囚或不時者決致有冤濫公俱激決不待時所決無恨其催科勾攝一切盤費俱不得行士民深感其德爲立生祠後陞冀州知州邑人韓進士則維爲撰德政碑

呂大章 安邑選貢時盤屋與鄂爭澇利相訟於當道大章據理力請澇還得永爲鄂利至今士民頌之

白應輝 江津舉人蒞任不以家屬從越四載囊橐蕭然計擒回賊沙倉等十一名有奇功士民爲之建

祠有德政碑河臺碑又有鳴琴異績卷俘盜圖紀循良政績冊及平獄謠驅蝗頌遷雲南蒙化府同知

劉璞 字柘山莒州舉人萬曆乙巳知鄂縣是歲鄂自四月至七月不雨璞至承施粥之撤即捐粟五百石

爲倡於是王輔世等輸粟一千五百有奇民得全活先是回賊倡亂盤屋白龍澇鄂之龐家村聲勢相應

前令捕沙倉等真於法而探囊穿窬之輩尙多璞爲連環保甲法每保壯丁二十人教師一人每月三日

教習餘日歸農復舉社學教民間子弟又以社倉原額五千六百有奇穀麥兼備貯穀猶易貯麥爲難循

行區畫刊爲條例鞏然修舉著鄂志兼四事豹斑

張宗孟 字泗源山西定襄進士授鄂令以乙亥二月蒞任未蒞任時賊薄城下宗孟聞警兼程而進至

則四門皆土壘遂野服從開道登陴鼓勵守者賊背遁乃治鄂城四隅建敵樓重葺四門城懸樓二十四

座建堡六十六處設火具賊過城下輒相戒毋犯又建市心樓重修大成殿移泮池欄星門外居恒與人

語煦煦可親而階庭肅穆吏胥奔走無錯趾諸臺橫有徵調即拒不應左帥兵過處俱入城宗孟之一切
供億置城外局其門因誣謗於督院上其事奉旨勘問士民保留乃以降級攝令事後官至按察司僉事
國朝

魏似韓 字雲卿山東萊蕪進士廉潔精勤愛民如子課士如師重修明倫堂凡事持大體有古循吏風
尋陞工部屯田司主事

趙之璧 浙江慈谿舉人秉性和平遇事裁決如流尤長於詩文所著有偶存集風流蘊藉仙吏才也以
不善事當道去士民惜之

馬光遠 山東大嵩衛進士精明剛斷人不敢干以郵私有巨奸數人立斃杖下法紀肅然甫數月緣前
任事去惜哉

劉文燦 遼東開元舉人精敏明決捐俸修太史橋民不病涉丁外艱去

曹爾弼 山西陵川廩生老成練達善於因事就功時軍需旁午飲酒賦詩裕如也捐俸百金重修大成
殿陞內閣中書舍人

康如璉 山西安邑進士蒞任滇黔用兵供應如雲事皆辦治而人不擾以其暇重續邑志科目中廢吏

鄂縣鄉土志

上 政績

六

燕京大學圖書館

才者以丁內艱去

金廷襄 字應枚廣甯貢士蒞任年甚少精敏爽直姦宄望而畏之豪強亦因之斂蹤其時甫經大荒捐
糶辦治牛種爲百姓開墾荒田酌劑徵收嚴禁妄訴及戲樂賭博以與民休息丁父艱去至今邑人思之
朱文卿 字亞翁直隸懷來進士忠厚慈祥非法不爲歷七年從無不信之言漢史所謂安靜之吏惻愍
無華日計不足月計有餘者其禁絕孤魂淫祀尤爲特著丰采云

張世勳 江南蕪湖例貢凡事因俗而治吏民安之性喜文史善行書楷法令中爲崇尚風雅者捐俸重
修澇水石橋尤爲遺惠云

吳廷芝 字卉長福建永定舉人學問淹博善書法接紳士有禮臨民以寬勗建魁星樓於城東南隲重
修櫺星門以石易木最留心於邑之文風者

靳樹榛 鑲黃旗漢軍由例監効力康熙六十年蒞任敦重寡言精於吏治而弭盜禁賭執法尤嚴竊賊
皆指嚮相戒曰靳家庄勿輕犯也遂望風遠遁民賴以安幾於夜不閉戶

趙爾楷 直隸西甯進士廉明剛直不諛上不徇情折獄如神健訟及豪惡望而斂跡胥吏無一敢滋弊
者征科寬而百姓爭輸辦軍需未嘗以絲毫累民有守有爲無愧循良六年以丁憂歸

王樓堂 字植三河南柘城附生以保舉孝廉蒞任下車之始即革去積年縣役大累歲杪預放倉糧接濟貧民甘受參罰秋大旱躬禱深山甘霖沛應素以愛民爲心故多善政

李文漢 字上昭江西金谿人內閣供事以軍功保舉除知鄒縣吏治精敏勤於修理如文廟大成殿崇聖祠名宦鄉賢二祠大觀樓雲路坊北城樓西河亭滂河兩堤諸興作皆是又於市集革前小斗陰弊仍用大斗窮民便之

舒其紳 字佩斯直隸任邱增生廉明慈惠才學兼優明道書院自爲記慨然有培士風深意邑中數失火剏修火神廟引災調署興安州再調成陽士民以未得久沾其澤攀轅難留立去思碑至今過碑者多下拜

宋澤 字潤生山西寧縣進士清廉慈惠御衆以寬尤留心學校每於書院課士文必批評盡致卒於任不能歸葬士民醵資送之至今猶有宋青天之稱云

陳文敏 字勉亭湖南人以留場同知調署鄒分爲人忠厚好獎士類添建書院齋房十餘所方之古來循良庶幾無愧焉後卒於留場本任留場士民稟請 上憲奏入國史循吏傳

胡海章 字禹門四川城都舉人光緒庚辰署鄒廉靜慈祥決獄如神吏畏其威畏懷其惠鄉里之陵訟

鄒縣鄉土志

上 政績錄 兵事錄

七

燕京大學圖書館

者頗息署任一載善政畢舉一時有胡青天之稱邑人頌其德政曰弊絕風清至今咸有去後之思焉

劉聲琦 字少芸四川中江縣人光緒己卯舉人庚寅令鄒清潔自操於凡興利除弊之事無不躬親相度值太史橋傾圮釀資重修事竣而民不擾發奸摘伏民無冤枉尤加惠士林捐廉數百金置經史諸子之書且爲增膏火之類寒燠於今食德云

劉璋毓 字現秀湖南人光緒戊戌署鄒視民如子見不仁者搏擊之如鷹鷂之逐鳥雀也一時惡少相戒不敢犯法焉值秋淫雨爲災太平河水溢傷民房屋禾稼甚多公躬親查災捐廉賑卹減僕從罷徭役以蘇民困書院學租日久迷失躬親查究一無遺漏捐百餘金以益學堂膏火邑人士歌功頌德未艾也

兵事錄 天地之道治極則生亂亂極則思治一治一亂皆兵之由是以先王耀德不觀兵亦未嘗諱言兵也鄒邑自教匪倡亂以後回匪髮捻相繼蹂躪生民塗炭極矣痛定思痛尙其爲求雨之綢繆乎

有扈氏威侮五行怠棄三正啓伐之大戰於甘 孔傳甘有扈南郊蔡傳甘在今扶風鄒縣文王伐崇作邑於豐 鄒古崇伯國商時崇侯虎譖西北於紂囚之美里後得釋三年伐崇作邑於豐即今縣東三十里秦渡鎮

春秋僖公十有五年冬十月晉侯及秦伯戰於韓獲晉侯左傳秦獲晉侯以歸乃舍靈臺杜注靈臺在京兆鄠縣所以格絕令不得通內外

光武建始二年赤眉引兵而西最爲猛厲衆號百萬自終南山轉掠城邑見劉盆子傳

魏志建安二十二年以淵行護軍將軍督朱靈路招等擊破終南山賊劉雄降其衆見夏侯淵傳

晉懷帝永嘉元年劉曜既據長安與賈疇允諸軍戰曜衆大敗退保甘泉即甘

水雍大記甘水出鄠縣南甘谷按甘谷舊爲鄠地今已割入整屋故後山水不載

魏書陸真傳高宗和平中咸陽民趙受昌劉或自署龍驤將軍煽動鄠整屋二縣聚衆數百人擾赤谷以叛真與雍州刺史劉邈討平之

通鑑綱目柴紹將赴太原謂其妻李氏曰尊公舉兵欲偕行則不可留此則及禍奈何李氏曰君第速行我一婦人易以潛匿當自爲計紹遂行李氏歸鄠縣別墅散家貲聚徒衆淵從弟神通亦在長安亡入鄠縣山中與長安大俠史萬寶等起

鄠縣鄉土志

上 兵事

八

熊京大學圖書館

兵以應淵西域商何潘仁入司竹園爲盜有衆數萬劫李綱爲長史李氏使其奴馬三寶說潘仁與之就神通合勢攻鄠縣下之神通衆逾一萬以令狐德彖爲記室李氏又使馬三寶說羣盜皆帥衆從之徇整屋武功始平皆下之衆至七萬右親衛段綸娶淵女亦聚衆於藍田將萬餘人各遣使迎淵淵使柴紹將數百騎迎李氏關中羣盜皆請降淵以書慰勞使受世民節制營中號李氏軍曰娘子軍今鄠有陳兵坊村相傳爲李氏散家聚徒衆處

通鑑唐代宗廣德元年冬十二月築城於鄠縣及中渭橋屯兵以備吐蕃以維奉先爲鄠縣築城使遂將其兵

宦者傅帝與元載計除魚朝恩乃使李抱玉節度山南西道又析鄠整屋等縣以與抱玉朝恩不知爲虞

宋朝奉郎通叛軍府事唐遷捕盜圭峯山內題逍遙棲禪寺詩有捲旆搜山憶盜賊之句

明嘉靖中乾州人樊伸作亂竄入終南山尋討平之

萬歷甲辰回賊倡亂熬屋之白龍溝鄆縣之龐家村聲勢相應窟穴其中鄆令白應輝計擒沙倉等十一人置於法而探囊穿窬之盜尙多鄆令劉璞爲連環保甲法每保壯丁二十人教士一人每月三日教習餘日歸農回亂遂息見寶政錄
麓樵紀聞叛兵楊國棟擁二千騎披雙鎧直抵西安乞撫巡撫練國事在鄆縣聞之馳還知賊不受撫必西走整屋密檄沿途設伏時禾茂泥淖騎不任馳伏發殲其半賊斬國棟以獻餘逃入終南山

崇正甲戌六月賊混世王八太王隨山虎等自鄭安出從鄆縣至熬屋馬召村村民以鄉勇拒之殺掠甚慘

麓樵紀聞朝命豫楚晉蜀兵四道入陝高迎祥李自成竄入終南山十一月賊自郿整至臨城於南宅堡城門發三矢而去當是時賊亂關中有名字者以十數高迎祥李自成羅汝才黨羽最衆孫傳庭設方略親擊迎祥於黑水峪擒之李自成襲爲闖王常出沒於終南山中鄆當其衝受害甚慘一時士夫婦女殉難者甚衆國朝順治二年賀負自興安突至人不知防城遂陷遭其害者甚衆七年至十七

鄆縣鄉土志

上 兵事錄

九

燕京大學圖書館

年賊首王才周禹劉四王友權必強王根害祁克贊楊剛白守愛李沙鶴李廣等先後盤踞南山一帶劫掠村堡焚燒廬舍防將張世美陳福亮勦撫並施根株俱盡民始獲安

康熙十三年遊擊程福亮聞蜀變自西鄉退兵三河口整鄆兩縣運糧給之明年八月漢中失守福亮遂退駐黑水谷鄆民猶運糧以給

十六年六月僞總兵王進孝僞副將李成棟等出黑水谷屯仙遊寺大掠熬鄆一帶八月總兵王好文至熬屋撫賊賊亦以糧盡遁去

嘉慶二年白蓮教匪林齊與其妻王氏作亂自川楚擾至興安漢中一帶又出子午谷竄至縣境爾時承平日久民不知兵一時受害最慘四鄉劫掠幾空七月初六日夜賊撲攻縣城有擄至賊中者見城上有騎驛巡閱指揮拒守者賊計不得施遂去後見中樓上所祀文昌像即指揮拒守之人也遂稟邑令請於七月初七日設祭酬報至今猶祀之無輟

八年甯陝兵變賊分黨出子午谷攻鄆縣時總兵楊芳赴固原聞變卽帥固原兵

二百人馳救鏖戰終夜身受數創黎明賊知爲芳遂引去以楊芳素得士心也後單騎入營降賊魁蒲大方鄉人比之爲郭汾陽單騎見回紇云
同治元年緒賊洪秀全餘黨郭擺擺由湖北竄至興安一帶出大逆峪至尹家衛由禹王廟入鄂西至丈八寺住紮隨經旗員帶兵逐入甘肅階州文縣等處漢中鎮軍川軍甘軍會勦滅之

二年陝回內訌西鳳同乾同時起事有賊孫思萬者號孫元帥盤踞牛東村一帶逢人卽殺見屋卽燒橫暴幾無人理東漢赤眉屠長安之慘尙不至是十室九空事平村堡幾虛無人焉先是回漢相爭不過如漳泉大姓之械鬪未必叛也西鄉灰渠頭回民村也南四揀糾合縣之四鄉村民直搗灰渠頭俗謂創窠子然烏合之衆人心散渙回自村中出衆爲之辟易賊知鄉民無能執刀亂戮爭相逃走死者甚衆自此鄉民膽怯見賊如羊之遇狼只有受死而已噫慘矣

三年五月初八日變賊藍二順由湖入陝出子午谷至秦渡鎮假冒官兵入市搶物人始知爲賊時屠農忙驟不及避被害尤甚又有賊藍大順陷盤屋縣盤踞城內將軍多隆阿馳軍圍之賊善守半年不下鄂運軍火絡繹不絕鄉民苦之將軍親上礮臺督攻中賊礮子傷目卒於軍諸將見主帥死攻益力賊由西城遁大兵追及藍逆中敗鎗遂成擒餘黨悉滅

五年十二月二十日西撫張總愚號小燕王在瀾橋敗蕭軍門之兵竄至鄂境南至南山北至渭河號四十萬衆盤據鄂境過年時來撲城晝夜戒嚴至二月初二日始往西竄四月又由渭北竄入鄂境經郭寶昌軍追逐出境

元年至六年回匪髮逆往來蹂躪不絕髮則有曹丕時謝大脚等股回則有馬二元馬化龍等股倏忽剽掠人不及避又有兩次叛軍駐紮西坡經彭中軍提道劉中丞勸撫平之村舍寺廟焚燬一空至今幾四十年蕭條猶昔元氣未復哀哉



鄂縣鄉土志中

耆舊錄

昔孟子以友天下之善士爲未足論世知人是爲尙友今居一邑而邑之前賢漠然無聞烏在其能尙友乎表前修而風後進則耆舊之錄所最亟也是編始於北魏而北魏以前則缺焉亦猶錄政績始自漢之意云爾

列傳北魏

周澹爲人多方術尤善醫藥爲太醫令太宗嘗苦風眩澹治得愈賜符成德侯神瑞二年京師饑朝議將遷於鄴周澹與博士祭酒崔浩進計論其不可之意太宗大然之曰惟此二人與朕同意也泰常四年卒諡曰恭見魏書

唐

殷開山名瞻以字行世居江南祖不害仕陳陳亡徙京兆遂爲鄠人開山涉獵書史七尺膺爲隋大谷長高祖兵起從攻西河破術文昇之兵從秦王討薛舉平仁果討王世充征劉黑闥卒贈陝東道大行臺右僕射諡曰節配饗高祖廟廷見唐書列傳今澇峪口內教場相傳爲殷開山操練之處

鄂縣鄉土志

中 耆舊錄

燕京大學圖書館

宋

楊礪字汝礪建隆中舉進士甲科父喪絕水漿數日服除養母閒居無仕進意鄉舊移書敦勸礪乃赴官歲餘又以母疾棄官後召授隴州防禦推官遷光祿寺丞丁內艱起就職後由員外郎知鄂州以善政聞後累官至樞密副使卒真宗軫悼謂宰相曰礪介直清苦方當任用遽此淪謝即冒雨臨其喪礪尙委巷中乘輿不能進步至其第嗟嘆久之

元

賀賁其先河東隰州人父種德徙關中遂爲鄠人有材略善攻戰數從軍有功關中兵後積屍滿野賁買地金天門外爲大塚收瘞之遠近聞者爭焚屍來葬復以私錢勞之嘗治室於毀垣中得白金七千五百兩謂其妻鄭氏曰語云無故獲千金必有非常之禍時世祖以皇太子受詔征雲南乃持五千兩往獻之世祖即位賜金符總京兆諸軍卒贈雍國公諡貞獻

仁傑字寬甫賀賁之子從世祖南征雲南北征乃顏皆著勞績後與董文忠居中事上同志協力知無不

言言無不聽多所裨益而言不外泄帝深愛重之一日召仁傑至榻前出白金謂之曰此汝父六盤山所獻者聞汝母來可持以歸養辭不許乃歸自母盡散之宗族帝選民童女充後宮及有司買物多非其土